

Whakamau

Na Wini Bidois

Whakamau te titiro

Ki Kawhia moana, ki Kawhia kai, ki Kawhia tangata

Te urunga tapu o Tainui

Whakawhiti atu ra Te Aroaro O Kahu ki Arekehanara

Te haona kaha o Matutaera

E huri to kanohi ki te Tihi o Kakepuku ki te tai whakarunga ko Maniapoto

Ka tika ra tona korero, Tamaki ki raro, Mokau ki runga, Mangatoatoa ki waenganui

Titiro tawhiti ra ko Maungatautari

Te oko horoi I Kemureti e

Whakaheke atu ra ki te riu o Waikato

Ki Ngaruawahia, Turangawaewae mo te ao katoa

Whakatau atu ra te maunga Taupiri

Ko te rua koiwi e

Hoki komuri mai ki Te Hauauru, ko Whaingaroa

E kii nei tona korero

Tainui A Whiro, ngunguru te ao, ngunguru te po

Au, au, aue ha ... Kokiri!

Tuturu o whiti whakamaua! Kia tina

Tina!

Hui e,

Taiki e!!

Whakaaria mai

Whakaaria mai

To ripeka ki au

Tiaho mai

Ra roto I te po

Hei kona au

Titiro atu ai

Ora mate

Hei au koe noho ai

Whakaaria mai

To ripeka ki au

Tiaho mai

Ra roto I te po

Hei kona au

Titiro atu ai

Ora mate

Hei au koe noho ai

Ora mate

Hei au koe noho ai

Amine

Toia

Toia mai te waka nei

Kumea mai te waka nei

Ki te takotoranga I takoto ai

Tiriti te mana motuhake

Te tangi a te manu nei

Pipiwaharauoa

Kui kui kui

Whiti whiti ora

Hui e

Taiki e

(Haka tama)

Totoia kume kumea

I te kokoma I te ko komako

Ko te hau tapu e rite ki te kai tapu na

Matariki

Tapa reireia koia tapa

Tapa konunua koia ana tukua

(leader)Hi aue Hi

Ko Whaingaroa e ngunguru nei(2x)

Hi au au aue Ha

(leader)I A Ha Ha!

ka tu te ihi ka tu te wanawana

ki runga I te rangi e tu iho nei

tu iho nei

hi aue hi

E Noho E Ata

Tīhei Mauri ora e,

E noho e Tuheitia te hiri o Waikato

E huri tō kānohi ki te Hau-ā-uru

Ngā tai e ngūnguru i waho o Te Akau

Āue hei āue! (hīāue) x2

Tō pikitanga ko te āo o te rangi

Tō heketanga ko Kārioi maunga

Tō hoenga waka ko Whaingāroa

Āue hei āue! (hīāue) x2

Takahia atu rā te moana i Aotea

Kia whatiwhati koe i te hua o te miro

Te tihi o Moerangi te puke okiokinga

Āue hei āue! (hīāue) x2

Puia ō mata ki Kāwhia Moana

Ki Kāwhia kai, ki Kāwhia tangata

Ko te kupu tēnā a ō tūpuna

Āue hei āue! (hīāue) x2

E huri tō kānohi ki Pīrongia Maunga

Ki te rohe potae ki Arekahānara

Ko te hāona kaha o te rungarunga rawa

Āue hei āue! (hīāue) x2

Pākia ō ringa ki te Kauhanganui

Te Paki o Matariki ngā whakaoati

Ko Kemureti rā tōna oko hōroi

Āue hei āue! (hīāue) x2

E tū tō wai ki kei o Tainui

Tēnei tō hoe ki te tekau-mā-rua

Ngā tai e mārino i waho o Karewā

Āue hei āue! (hīāue) x2

E hoe tō waka ki Ngāruawāhia

Tūrangawaewae mō te āo katoa

Ko te tongi whakamutunga a Matutāera

Āue hei āue! (hīāue) x2

Tairi te aroha i ahā hā

Toro mai ō ringa me aroha tāua

Āue Hikitia! Āue Hāpainga!. Āue hei āue! (hīāue) x2

He Honore (Himene)

He honore, he kororia

Maungarongo ki te whenua

Whakaaro pai e ki nga tangata katoa

Ake, ake, ake, ake, amine

Te Atua, te piringa, toku oranga

He honore, he kororia

Maungarongo ki te whenua

Whakaaro pai e ki nga tangata katoa

Ake, ake,ake, ake, amine

Te Atua te piringa toku oranga,

Toku orange

Karioi

I nga wa o mua, ko Karewa, te tane a Karioi

I puremu ki a Pirongia aue te mamae

Ka panangia e Karioi I a Karewa ki te moana

I hurihia ki ana tamariki e piata mai ra.

Atawhaitia a Karioi

Manaakitia a ia.

Whakamaramatia i nga tohu o te taiao.

Hei arahi I a matou e Hei arahi I a matou e

No Whaingaroa a Karioi,

Te maunga o te taitamatane

Kei te taha o te moana, e tu ana ia.

Ataahua tona ahua he wahine whakahirahira

Ka rere ona makawe e heke ana ki te moana

Atawhaitia a Karioi....

E rere e nga waiora hei rongoa mo te ao katoa whoatu ratou te oranga ki te manawa. Nga rakau kei runga I a Karioi nga manu e rere ana e te kaitiaki a Karioi ko Tanemahuta.

Atawhaitia a Karioi...

No Poihakena nga kararehe kino o Karioi

He maha nga kararehe kino I te wao nui a Tanemahuta

kia tupato ra

E rakuraku ana e kai ana I nga hua o te rakau e

Kaua e turakina nga rakau o te maunga nei

Kaore matou e pirangi I enei kararehe hoha

Te mamae te mamae o Karioi

Te mamae te mamae o Karioi

E tangi ana ia kua ngaro haere nga taonga e

Atawhaitia a Karioi... Hei ha

Katohia

Kaea: Waikato te awa katohia katohia he wai mau

Katohia he wai mau

Ka eke ki te puaha o Waikato

te awa

He piko he taniwha

He piko he taniwha

Kia tupato ra kei tahuri koe

I nga au kaha o Waikato

Whakamau te titiro ki tawhiti ra

Ko Taupiri te maunga

Potatau te tangata

Te mauri o te motu e

E hoe to waka ki Ngaruawahia

Turangawaewae mo te ao katoa

Te tongi whakamutunga a Matutaera

Aue hoki aue

Purea Nei (Poi/waiata-a-ringa/whakangahau)

Kaea: Makere ana nga here

Purea nei e te hau

Horoia e te ua

Whitiwhitiria e te ra

Mahea ake nga poraruraru

Makere ana nga here

E rere

E rere wairua e rere

Ki nga ao o te rangi

Whitiwhitiria e te ra

Mahea ake nga poraruraru

Makere ana nga here

Makere ana nga here Purea nei

Te Marama I Te Po(Waiata aroha/tautoko)

Te marama i te po nei

Nga whetu i te rangi

Oho ake i te ao nei

Papaki kau ana e

Me pewhea ra nei

E mutu ai te aroha

Me rukuruku pea nga wai o Whaingaroa e

Te marama i te po nei

Nga whetu i te rangi

Oho ake i te ao nei

Papaki kau ana e

Me pewhea ra nei

E mutu ai te aroha

Me rukuruku pea nga wai o Whaingaroa e

Te Aroha

Himine waiata tautoko

Te Aroha

Te Whakapono

Me te Rangimarie

Tatou tatou e

Te Aroha

Te Whakapono

Me te Rangimarie

Tatou tatou e